

KJKP "VODOVOD I KANALIZACIJA" d.o.o. SARAJEVO
v.d. DIREKTOR
Izvod broj : 01/18

Sarajevo, 28.02. 2018. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14)), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 01/18 od 15.02.2018. godine, u postupku javne nabavke br. 01/18 „ Hardverska, softverska i digitalna oprema za osiguranje monitoringa u pilot zoni Mojmiilo-Dobrinja i u DMA zonama“ donosi se :

O D L U K A

o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 01/18 od 15.02.2018. godine i ugovor za javnu nabavku roba : „ **Hardverska, softverska i digitalna oprema za osiguranje monitoringa u pilot zoni Mojmiilo-Dobrinja i u DMA zonama**“ – tender broj 01/18 dodjeljuje se ponuđaču : „Aspo Rail“ d.o.o. Sarajevo, ponuda broj 015/18 od 08.02.2018. godine, za ponuđenu cijenu od **38.660,00 KM** bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču „**Aspo Rail**“ d.o.o. Sarajevo po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : OP 01/18 od 05.01.2018. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 50.000,00 KM.

Obavještenje o nabavci broj : 247-1-1-6-3-6/18 poslato je na objavljivanje na Portal javnih nabavki dana 10.01.2018. godine, a sažetak obavještenja o nabavci objavljen je u Sl. glasniku BiH broj : 3. od 12.01.2018. godine i ispravka obavještenja o nabavci broj: 247-1-1-6-8-12/18 poslato je na objavljivanje na Portal javnih nabavki dana 18.01.2018. godine, a sažetak obavještenja o nabavci objavljen je u Sl. glasniku BiH broj : 6. od 26.01.2018. godine

Komisija za javnu nabavku imenovana je Rješenjem br. 18-12-01/17 od 18.12.2017.g., i dopunskim Rješenjem članova komisije br. 01/18- 1 od 05.01.2018. godine.

Komisija za javnu nabavku dostavila je dana 20.02.2018.g. Preporuku o izboru najpovoljnijeg ponuđača broj 01/18 u postupku javne nabavke roba : „ Hardverska, softverska i digitalna oprema za osiguranje monitoringa u pilot zoni Mojmiilo-Dobrinja i u DMA zonama“

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 3 (tri) ponude „Procom“ d.o.o. Tuzla; „ Aspo Rail“ d.o.o. Sarajevo i „Digitarija“ d.o.o. Sarajevo

- Da su blagovremeno zaprimljene : 3 (tri) ponude „Procom“ d.o.o. Tuzla; „ Aspo Rail“ d.o.o. Sarajevo i „Digitarija“ d.o.o. Sarajevo

- Da nije bilo neblagovremeno zaprimljenih ponuda

- Da dostavljena ponuda ponuđača: „Procom“ d.o.o. Tuzla ne ispunjava zahtjevane TD uslove prema obliku i potpunosti u smislu pripreme ponude. Konstatovano je da dostavljena ponuda ponuđača „Procom“ d.o.o. Tuzla nije numerisana, a što je zahtjevano tačkom 17.1 tenderske dokumentacije „ Priprema ponude“.

U okviru navedene tačke je definisano slijedeće: „ Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Garancija kao dio ponude se ne numeriše. Ako sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numerišu dodatno“.

Utvrđeno je da ponuđač „Procom“ d.o.o. Tuzla nije uopšte izvršio numeraciju svoje ponude i time nije postupio u skladu sa zahtjevima ugovornog organa iz tačke 17.1 tenderske dokumentacije.

Naime, uvidom u ponudu ponuđača „Procom“ d.o.o. Tuzla konstatovano je da dijelovi ponude imaju izvornu odštampanu numeraciju dokumenata koja nema kontinuitet i pojedini redni brojevi se ponavljaju i to : „Obavještenje o nabavci“ numerisano je sa rednim brojevima od 1. do 5., zatim „Obrazac - Popis dostavljenih dokumenata“ je numerisan sa rednim brojem 34., „Obrazac za ponudu – Aneks II., Prilog 1.“ je numerisan sa rednim brojevima od 31. do 33., „Obrazac za cijenu ponude“ je numerisan rednim brojevima od 35. do 37., „Izjava iz člana 45. ZJN –Aneks IV, Prilog 3.“ je numerisana sa rednim brojevima od 38. do 39., „Izjava iz člana 47. ZJN –Aneks V, Prilog 4.“ je numerisana sa rednim brojem 40., „Izjava iz člana 52. ZJN – Aneks VIII, Prilog 5.“ je numerisana sa rednim brojem 41., „Obrazac – Povjerljive informacije“ je numerisan sa rednim brojem 42., „Nacrt okvirnog sporazuma“ je numerisan sa rednim brojevima od 43. do 44., „Nacrt ugovora o javnoj nabavci“ je numerisan sa rednim brojevima od 45. do 47., potom tehnička dokumentacija koja nema izvorne odštampane numeracije, te „Aktuelni izvod iz sudskog registra“ numerisan je sa rednim brojevima od 1 do 7., i uvjerenja nadležnih organa o ispunjavanju uslova iz člana 45. i 47. Zakona o javnim nabavkama koja nemaju numeraciju.

Na osnovu navedenog, konstatovano je da ponuda ponuđača „Procom“ d.o.o. Tuzla ne ispunjava zahtjevane tenderske uslove prema obliku ponude (numeracija), te se kao takva odbacuje i nije predmet daljeg razmatranja.

-Da dostavljene ponude ponuđača „Aspo Rail“ d.o.o. Sarajevo i „Digitarija“ d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponuda.

U skladu sa stavom 6. člana 53. Zakona o javnim nabavkama napravljena je izmjena tenderske dokumentacije i ista je objavljena na Portalu javnih nabavki. U okviru izvršenih izmjena izmijenjen je obrazac za cijenu ponude (specifikacija) – Aneks III, Prilog 2., kojeg su ponuđači bili obavezni popuniti i dostaviti u sklopu svoje ponude. Pregledom ponude ponuđača „Digitarija“ d.o.o. Sarajevo konstatovano je da isti nije dostavio izmijenjeni/novi obrazac za cijenu ponude (specifikacija) – Aneks III, Prilog 2. već je dostavio raniji obrazac za cijenu ponude prije izvršenih izmjena. Obzirom na navedeno, konstatovano je da ponuda ponuđača „Digitarija“ d.o.o. Sarajevo ne ispunjava zahtjeve ugovornog organa tražene tenderskom dokumentacijom, zbog čega se ista odbacuje kao neprihvatljiva a sve u skladu sa članom 68. stav (4) pod i) Zakona o javnim nabavkama.

- Pregledom ponude ponuđača „Aspo Rail“ d.o.o. Sarajevo te je od strane stručnih lica za predmetnu nabavku konstatovano da ponuda ponuđača „Aspo Rail“ d.o.o. Sarajevo ispunjava zahtjeve u pogledu opisa predmeta nabavke i tehničke specifikacije.

Računskom kontrolom specifikacije ponude ponuđača „Aspo Rail“ d.o.o. Sarajevo konstatovano je da u ponudi ponuđača „Aspo Rail“ d.o.o. Sarajevo nema grešaka računске prirode.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „Aspo Rail“ d.o.o. Sarajevo iznosi 38.660,00 KM bez PDV-a.

Iz gore navedenih razloga, primjenom člana 64. stav 1. tačka b. ZJN, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :
- Ponudaču
- a/a

*Si
Muzur
am*



v.d. Direktor

Azra Muzur
Azra Muzur, dipl.inž.građ